



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-532/23
Sarajevo, 29.03.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 26. sjednici održanoj dana 29.03.2023. godine, primilo je k znanju

Informaciju o realizaciji projekta izgradnje i rekonstrukcije dječijih igrališta na području grada Sarajeva.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O REALIZACIJI PREOJEKATA IZGRADNJE I REKONSTRUKCIJE
DJEČJIH IGRALIŠTA NA PODRUČJU GRADA SARAJEVA

Sarajevo, mart 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



INFORMACIJA O REALIZACIJI PROJEKTA IZGRADNJE I REKONSTRUKCIJE DJEČIJIH IGRALIŠTA NA PODRUČJU GRADA SARAJEVA


Investiciono održavanje dječijeg igrališta u ulici Aleja Lipa, naselje Hrasno

Grad Sarajevo i Općina Novo Sarajevo potpisali su Sporazum o regulisanju međusobnih prava i obaveza na realizaciji investicionog održavanja dječijeg igrališta u ulici Aleja Lipa, naselje Hrasno. Sporazumne strane su saglasne da nosioc aktivnosti bude Grad Sarajevo.

Izradu neophodne projektne dokumentacije finasirat će Grad iz Budžeta za 2023. godinu.

Radove investicionog održavanja dječijeg igrališta finasirat će Grad iz Budžeta za 2023. godinu, za šta će provesti i odgovarajuću proceduru javne nabavke. Općina će prioritetno i bez odlaganja rješavati po svim zahtjevima Grada i drugih nadležnih institucija vezano za predmetni projekat.

Predmetna lokacija nalazi se u ulici Aleja Lipa, Hrasno, općina Novo Sarajevo, k.č. 1205/1 k.o. Novo Sarajevo II. Lokacija se nalazi između objekta kolektivnog stanovanja i uz šetnicu rijeke Miljacke.



Rekonstrukcija dječijeg igrališta podrazumijevat će sljedeće radove: površina za igru djece bit će popločana gumenom podlogom, staze za kretanje pješaka bit će popločane betonskom galanterijom, zadržat će se postojeća ograda, urbani mobilijar bit će prilagođen djeci dobne skupine do 12 godina, jedan dio igrališta bit će upotpunjen sadržajima za djecu sa posebnim potrebama, igralište će biti osigurano video-nadzorom, rasvjetom, projekat će predvidjeti i dio zelene površine, kao i nove sadnice drveća kako bi se stvorio što ugodniji ambijent za boravak i igru djece.

Izgradnja dječijeg igrališta u ulici Bulevar Meše Selimovića, naselje Čengić Vila

Grad Sarajevo i Općina Novo Sarajevo potpisali su Sporazum o regulisanju međusobnih prava i obaveza na realizaciji izgradnje dječijeg igrališta u ulici Bulevar Meše Selimovića, Čengić Vila.

Sporazumne strane su saglasne da je nosioc aktivnosti Grad, te da će:

- Provesti javnu nabavku za izradu kompletne projektne dokumentacije (idejnog i izvedbenog projekta);
- Potpisati Ugovor sa odabranim projektantom;

- Pratiti realizaciju Ugovora sa odabranim projektantom;
- Podnositi zahtjev za izdavanje urbanističke saglasnosti u ime Općine;
- Pribavljati i plaćati saglasnosti i ovjere tražene kroz urbanističku suglasnost;
- Podnositi zahtjev za izdavanje građevinske dozvole u ime Općine;
- Provoditi javne nabavke za izvođenje radova i nadzor;
- Pratiti realizaciju Ugovora sa odabranim izvođačem;
- Podnositi zahtjev za tehnički prijem izvedenih radova u ime Općine;
- Vršiti plaćanje komisije za tehnički prijem izvedenih radova.

Općina se obavezuje da će vršiti:


- Dati saglasnost Gradu za podnošenje zahtjeva za izdavanje Rješenja o urbanističkoj saglasnosti i Rješenja o građevinskog dozvoli;
- Izdati urbanističku saglasnost putem nadležne Službe;
- Rješavati imovinsko-pravne odnose putem nadležne Službe;
- Izdati odobrenje za građenje putem nadležne Službe;
- Izdati rješenje o imenovanju komisije za tehnički prijem izvedenih radova putem nadležne Službe;
- Izdati upotrebnu dozvolu putem nadležne Službe.

Predmetna lokacija se nalazi u ulici Bulevar Meše Selimovića 65-75, MZ Čengić Vila 1, na parceli k.č 4008/23 k.o. Novo Sarajevo I,

Lokacija se nalazi između objekta kolektivnog stanovanja spratnosti P+4 i šetnice Malta – Otoka uz rijeku Miljacku.

Površina obuhvata je cca 1.700m², unutar kojeg je potrebno formirati ograđeno dječije igralište.

Predmetni obuhvat je prema važećoj prostorno-planskoj dokumentaciji (RP Centar Novo Sarajevo), a lokacija je označena kao uređena zelena površina sa urbanim mobilijarom.



Izgradnja dječijeg igrališta sadržavat će parkovski mobilijar – klupe za sjedenje i kante za otpatke. Površine za igru djece obavezno će biti popločane gumenom podlogom, a staze za kretanje pješaka popločane betonskom galanterijom. Planirana je ograda oko igrališta sa ulaznom kapijom, kao i video-nadzor.

Obzirom da na lokaciji postoji visoko rastinje, i njima će se posvetiti velika pažnja te ista zadržati u najvećoj mogućoj mjeri. Također će se oplemeniti i zelena površina, kako bi se stvorio što ugodniji ambijent.

Vodit će se računa o prirodnom i vještačkom osvjetljenju igrališta, zadržat će se postojeća te stvoriti uslovi za novu prirodnu hladovinu, kako bi se igralište moglo koristiti i u toku sunčanih ljetnih dana.


Izgradnja dječijeg igrališta Otoka, Općina Novi Grad

Služba za urbano planiranje, investicije, stambene i komunalne poslove trenutno provodi aktivnosti na usaglašavanju Sporazuma o regulisanju međusobnih prava i obaveza na realizaciji izgradnje dječijeg igrališta, Otoka, ulica Gradačačka, Općina Novi Grad.

Radove na izgradnji dječijeg igrališta finansirat će Grad iz Budžeta za 2023. godinu, za šta će provesti i odgovarajuću proceduru javne nabavke, te će u vezi s tim biti i nosilac aktivnosti.

Izradu neophodne projektne dokumentacije obezbjedila je Općina Novi Grad te će Općina prioritetno i bez odlaganja rješavati po svim zahtjevima Grada i drugih nadležnih institucija vezano za predmetni projekat.

Predmetna lokacija nalazi se u ulici Gradačačka, naselje Otoka, Općina Novi Grad, na lokaciji označenoj kao k.č. 102/1 Novo Sarajevo III. Lokacija se nalazi između objekta kolektivnog stanovanja, u čijoj blizini nema sadržaja koji su namijenjeni za djecu.



Planirani sadržaji dječijeg igrališta sadržavat će parkovski mobilijar – klupe za sjedenje i kante za otpatke. Površine za igru djece obavezno će biti popločane gumenom podlogom, a staze za kretanje pješaka popločane betonskom galanterijom.

Planirana je ograda oko igrališta sa ulaznom kapijom, rasvjeta i video-nadzor.

Vodit će se računa o prirodnom i vještačkom osvjetljenju igrališta, zadržat će se postojeća te stvoriti uslovi za novu prirodnu hladovinu, kako bi se igralište moglo koristiti i u toku sunčanih ljetnih dana.

Potpisivanjem gore navedenog Sporazuma, stekli bi se uslovi za provođenje navedene aktivnosti.